



Universitätsbibliothek Paderborn

Opvs De Ivdiciis Divinis, Qvae Devs In Hoc Mvndo Exercet

Accessit index concionatorius in omnes totius anni dies Dominicos & Festos, ab ipso Auctore confectus

Stengel, Georg

Ingolstadii, 1651

§. 1. Cùm nonnulli mori potiùs optent, quàm famere, quærendum, an fames morte peior?

urn:nbn:de:hbz:466:1-45701

recte dici velimus. Id autem ipsum conservare humanitatem, quid aliud est, quam diligere hominem, qui homo sit, & idem, quod nos sumus? discordia igitur, atque dissensio non est secundum hominis rationem. Verumq[ue] est illud Ciceronis, quod ait, hominem natura obedientem homini nocere non posse, ergo si nocere homini, contra naturam est: prodere igitur homini secundum naturam sit, necesse est. Quod qui non facit, homini se appellatione dispoliat; quia humanitatis officium est, necessitatibus hominis, ac periculo subvenire. Quero igitur ab iis, qui flecti ac misereri non putant esse sapientis; si homo ab aliqua bestia comprehensus, auxilium sibi armati hominis imploret; utrumne succurrendum putent, an minimè? non sunt tam impudentes, ut negent, fieri oportere, quod flagitat, quod expositit humanitas. Item si aliquis circumueniatur igni, ruina opprimatur, mergatur mari, flumine rapiatur; num putent hominis esse, non auxiliari? non sunt ipsis homines, si putent. Nemo enim potest eiusmodi periculis non esse subjectus. Immò verò, & hominis, & fortis viri esse dicent, servare periturum. Si ergo in eiusmodi casibus, qui periculum vita homini afferunt, succurrere, humanitatis esse, concedunt, quid causa est, cur si homo esuriat, sitiatur, algeat, succurrendum esse non putat? que cùm sint paria natura, cum illis casibus fortuitis, & unam eamdemq[ue] humanitatem desiderent; tamen illa discernunt; quia non reipsa vera, sed utilitate presenti omnia metiuntur. Illos enim, quos periculo surripunt, sperant sibi gratiam relatuos. Egentes autem, quia non sperant, perire arbitrantur, quidquid eiusmodi hominibus impartiant. Hinc est illa Planti detestanda sententia.

Male meretur, qui mendico dat, quod edat.

Nam & illud quod dat, perit:

Et illi producit vitam ad miseriam.

C A P V T X.

Pestisne grauius humani generis flagellum sit,
an Fames?

 I quemadmodum Ethnicus Poëta fortasse pro persona locutus est, idcirco nihil stipis dandum est mendico, ne illi vita ad miseriam producatur; tunc utique vita famelica morte ipsa censembitur peior. Et reipsa peiore censem.
qui

I.

qui pro tali vita mortem optant, ut miseriam finiant. Tantò igitur famelici pauperes erunt misericordia digniores, quanto sunt miseriore, ut viuere velint, si habeant, unde viuant. Hinc existit scitu digna quæstio, sitne fames mortalibus plus timenda, quam mors, immò quam pestis ipsa? Hanc quæstionem, de duobus gravissimis mortalium malis, parùm gratam minusque jucundam auribus putarem, nisi scirem, homines interdum ex tristibus etiam, horribilibus, acerbis, atrocibusque rebus voluptatem capessere. Id enim, nisi ita esset, neque historias de bellis, de cædibus & stragibus multorum, tanto studio legeremus; neq; tragœdias tam audite spectaremus. Et quamuis de fame, deque peste audire, sit minus jucundum, non tamen ea propter hac disputatio est abstinentum, cum in plurimis rebus utile jucundo sit anteponendum; & hinc non solùm humanæ calamitatis cognitio possit hauriri, sed etiam, intellecta divinæ justitiae seueritate, horror scelerum queat nasci; hominumque pectora ad misericordiam commoueri.

II.

Martial. li 2.
spigr. 8o.

Atque sanè multa sunt, quæ maiorem nobis luis pestiferæ, quam famis timorem videntur incutere. Plus est enim esse, quam non esse; & furor, censetur, ne moriare, mori. Qua de causa nemino est, qui non, vel solo nomine pestilentia auditio, vehementer percellatur, omnibusque animi sensibus perhorrescat. Famem autem, si centies appelles, vix quisquam vel minimo motu metuque concutitur. Vnde facile intelligi potest, plus in illa, quam in hac mali inesse; proindeque multò illam, quam hanc formidabiliorem censem. Cur enim nomen illud tantopere exhorremus? Certè non tam propterea, quod mortem, quam quod tempus mortis longè miserabilius, longèque metuendum magis hominibus plus consuevit afferre, quam soleat fames. Quos enim famæ conficit, sensim deficiunt & extabescunt, tandemque viribus exhausti omnibus, quasi sine sensu expirant. Pestis subito, vel paucorum dierum, immò paucarum horarum intervallo, cum ingenti æstu, cruciatu, & eiulatu, quos inuenit, è medio tollit. Quid autem subita, & præpropera morte horribilius? quid miserabilius, quam modò viuere, ac paulò post lethifera contagione extingui? modò in hominum cœtu sedere, mox intercadaue-